



Tranter terra e stailas

Las activitads da nossa uniun èn anc adina influenzadas dals svilups da nossa societad. Las sfidas en quasi las medemas: las uniuns n'èn betg pli l'emprima adressa per las activitads dal temp liber, ed i resta difficil da motivar personas da sa participar activamain en l'URB. Nus empruvain da reagir cun furmas flexiblas. Il midament en la suprastanza ha purtà plinavant novas impulsas e perspectivas.

In element central è restà il Tavulin, l'inscunter mensil da personas rumantschas e personas interessadas al rumantsch. Sper ils Tavulins a Turitg èsi er reussì d'organisar in a Berlin, quai mussa il basegn da raits rumantschas era ordaifer la Svizra, ed plinavant in en il tschesp rumantsch a Sent.

La segunda pitga èn ils Inscunters. Trais èn vegnids organisads: preschentaziun e discurs sur il cudesch da Bernard Cathomas davart il RG, il program umoristic «Falten» da Flurin Caviezel en cooperaziun cun il teater al Hechtplatz e l'exposiziun davart l'istorgia e la tecnologia da l'univers cun Jon Men Schmidt.

La radunanza annuala ha gì lieu cun grond success tar la Schaub Maler AG. In punct culminant è stada la contribuziun da Men J. Schmidt, che ha prendì il public sin ina viadi en l'univers. Questa perspectiva lunschavant ha illustrà simbolicamain era la situaziun da la URB: fermamain ancrada en la realitad da la diaspora rumantscha, dentant cun il sguard orientà vers l'avegnir, ha collià a moda inspiranta terra e stailas, quotidian e visiun.

Nus ans essan fitg legrads dals resuns positivs en ils meds. Artigels en la *Posta Ladina*, *La Quotidiana* ed en l'*Allegra* han rinforzà la visibilitad da la URB. Ultra da quai avain nus rinforzà il marketing cun annunzias ed il lantschament d'in set da cartulinas.



In aspect impurtant è stada la collavuraziun stretga cun las persunas responsablas per la diaspora da la LR. Nus essan avert:as per structuraz futuraz che rinforzan la cooperaziun tranter las numerusas uniuns rumantschas en la diaspora. Ultra da quai ha la URB pudì sustegnair finanziailmain numerusas persunas activas culturalmain, cun l'intent da promover projects rumantschs en la Bassa, tanter auter ils colloquis rumantschs da Mevina Puorger a la VHZH e concerts da divers chors.

En quest connex è era l'engaschament per l'ambassada Rumantscha a Turitg, tgi vul spordscher en in lieu d'inscunter per la diaspora.

Per l'avegnir èsi nossa finamira da contribuir activamain a structuraz comunablas che dattan a la diaspora rumantscha ina vusch pli ferma.

Vossa suprastanza

Nino Enderlin
Lars Prevost

Daniela Dendena
Gian-Andrea Janett
Daniel Monn